

Galata a zengât ekap Paulonâ kulemgum zingip.

Paulonâ ziknangât topnâ sâam muyagezingip.

1 ¹Nâ Paulo Aposolo a orâwan. A zinj Aposolo ot mân sâam niwe. Yesu Kristo sot Anutu Ibânâ, zâk mumujan gâbâ mängeip, ziknâ nep zo sâam niwet. ²Nâ sot bukurâpnâ nâ sot ândime, nen aksik Galata hânân ândime, zengât topzinj nângâm ekap zi kulemgum zingen.

³Anutu Ibâ sot Kembu Yesu Kristo, ziknâ tânzângom um lumbeñâ muyagem zingâbabot. ⁴Yesu zâk Ibâniñangât sâtkât nen ândiândi bâliñâ zi ândimenân gâbâ mâkâniñgâbap sot tosaninj buñ upapkât ândiândiñâ mân aŋgân kârip. ⁵Zorat narâkñâ narâkñâ Anutu sâam âlip kwâkñangindâ zimhap. Perâkñak.

ñai zâk singi âlip sâam gulipkum ñai sâabap, zâk simgât singi upap.

⁶Anutu zâk zen Kristo sot pâlâtâñ utnetâ tânzângoi ândibigât diizingip. Diizingi zâk sot ândine mân kêrep oi zâk kândâtkom singi âlip ñai zorat kindap kwap ândime. Zorat nângâm pârâkpan. ⁷Zorat itâ sa nângânek. Singi âlip top ñai bonñoot zo mân ziap. Buñâ. Ka a nâmbutñandâ Yesu Kristogât den singi âlip zo tâmbetkunam op um gulip kwatzingâme. ⁸Singi âlip dâzângowen, zo zinzinj kâtik. Zorat nen mo sumbem a ñaiñâ singi âlip dâzângowen, zo birâm ñai dâzângonatkat sâam sâi ko tâmbetagonatkât singi upem. ⁹Den mârûm sen, zo dum sâbâ. A ñaiñâ singi âlip kwâkâm zingâwen, zo birâm ñai dâzângobap, zâk tâmbetagobap. Oi nâ zorat nânga dâp upap.

¹⁰Oi dap dap? Den san zi a zinjâ nâgât nângâne âlip upapkât san? Mo Anutu zâk nâgât nângi âlip upapkât san. Nâ a zen nâgât nângâne âlip upapkât nep tuuman sâi ko Kembu Kristogât kore a mân opam.

Paulo ziknâ topñangât den.

¹¹Bukurâpnâ, nâ den ñai dâzângua nângânek. Den singi âlip dâzângowan, zo ayân gâbâ buñâ. ¹²A zo zinjâ mân dâtnowe. Zo zinjâ mân kwâkâm niwe. Yesu Kristo zikñak sâam muyagenigip.

¹³Nâ mârurman Yuda a zengât den kâtik Mosejâ sapsun zingip, zo lum ândiwan. Zo nânge. Yatâ ândim Yesugât kâmut imbanjâ zângom tâmbetzângom ândiwan. ¹⁴Oi sâkurâpniangât den gei kombapkât sâmbâtigem tâlarâpnâ nâmbutjâ walâzingâm kâtigem ândiwan. ¹⁵Ka Anutu zâk mârur mamnâ kâmbonjan gâbâ zâkkât siŋgi upatkât nânge zeip. Yatâ nânge zeipkât tânnobam diinigip. ¹⁶Nanjanngât den siŋgi hân nân gokjâ zengâren âim dâzângobatkât nanjanngât topjâ sâmbuyagenigip. Yatâ otnigi a zen sot den den mân orâwan. ¹⁷Oi Aposolo a kândom muyagem Yerusalem kamânân ândiwe, zen sot siŋgi âlipjanngât den mân âraguwen. Zengâren mân âiwan. Arabia hânân âi ândim Damasiko kamânân âburem gâwan.

Pauloŋâ Yerusalem kamânân zâi ândeip.

¹⁸Ândia kendon patâ karâmbut âki Petero ikpat sâmbuyagem Yerusalem kamânân zâim sirâm kiin bâtnâmbut zâk sot ândiwan. ¹⁹Zâk sot Kembugât munjâ Yakobo zikirâwan. Aposolo a nâmbutjâ mân zingirâwan. ²⁰(Den kulemguan, zi sarâ bujâ. Anutu mâtejan perâkjak sâmbuyagem.) ²¹Yatâ opjâ Siria sot Kilikia hânân âi ândiwan. ²²Oi Kristogât kâmut Yudaia hânân ândiwe, zen si sângânnâ mân nigâwe. ²³Zen nâgât siŋgiyâk itâ nânge, “Anjâ nânge moliningip, zâk siŋgi âlip tâmbetkumâipjâ siŋgi âlip a dâzângom ândimap.” ²⁴Yatâ nângeŋjâ nâgât op Anutu sâmbuyagem kwâkjanngâwe.

Pauloŋâ Yerusalem kamânân zâim Aposolo a nâmbutjâ zingirip.

2 ¹Oi kendon patâ kiin kimembut âki Yerusalem kamânân dum zâibam Banaba sot Tito diizika ârândân zâiwen. ²Oi zo yen bujâ. Kembujâ den sapsun nigi lum zâiwan. Yesugât kâmurân a zengât a sâtnjâ sâmbuyagem, zengâren âim siŋgi âlip hân nân gokjâ dâzângoman, zorat sapsun zingâwan. Nâ siŋgi âlip sâmbuyagem ândiwan, zorat a sâtnjâ neburâpnâ zen sapsun zingâ nângeânetâ âkâbapkât ziiŋik tatne den zo dâzângowan. ³Tito zâk nâ sot ândeip. Zâk Yuda a bujâ, Grik a oi a sâtnjâ zinjâ kwabâ kwâkjanngâbigât mân sâmbuyagem. ⁴Ka a sarâjandâ kâmurân bagimjâ Yesu Kristo sot pâlâtân op dumun bujâ ândeindâ tigân niŋgitjâ Mosegât gurumin den, zorân saaniŋgi ândinatkat Tito kwabâ kwâkjanngâbigât sâmbuyagem. ⁵A zo, zinjâ mem ge kwatniŋgânam sâmbuyagem mân loriwen. Bujâ kâtikjâ. Siŋgi âlip mân tâmbetkune Galata a, zengâren hâlâluyâk op zimbapkât mân nângezingâwen.

Aposolo a nâmbutjâ zinjâ Paulo nepjanngât nângeâne dâp oip.

⁶(Oi a, zengât a sâtnjâ sâmbuyagem, zen mârur dap mo dap op ândiwe, nâ zorat nânge tobat nânge mân uap. Anutu zâk hâmbatâ mân opmap.) A sâtnjâ zo, zinjâ den unakjâ mân târokwatniwe. ⁷Bujâ. Itâ nângeâwe. Anutjâ

Petero Yuda a zengâren siŋgi âlip dâzângobapkât nep diŋ sâm pindip, yatigâk nâ hân nâin gokŋâ zengâren den siŋgi âlip dâzângobatkat nep diŋ sâm nigip. ⁸(Oi Petero mam okŋaŋgi nepŋâ tuugi bon oip, zâk zikŋâ yatik mam otnigi nep tuuga bon oip.) ⁹Oi Kembuŋâ nep tânnogip, zo ekŋâ Yakobo sot Petero sot Yohane, zen Yesugât kâmut zengât patâ ândiweŋâ nâ sot Banaba buku otnikâm bitnik kuwe. Oi net hân nâin gokŋâ zengâren den siŋgi âlip nep tuugitâ ziŋâ Yuda a zengâren tuunat sâwe. ¹⁰Oi kanpitâ a ambân kut nâi nâi ziŋgânam zorârâk dâtnowe. Oi nâ zorat den mârumŋan sâm kâtigiwan.

¹¹Oi Peteroŋâ Antiokia kamânân gam bâliŋ oi ekŋâ a ambân mâteziŋan kin den yâmbâtŋâ dukuwan. Wangât, zâk bâliŋâ oip, zorat op ko. ¹²Zâk hân nâin gokŋâ zen sot nalem ârândâŋ niwe. Yatâ nem ândei Yuda a, Yakobogât arâŋŋâ zen gawe. A zo, ziŋ Mosegât den lum ândim hân nâin gok, zen sot nalem mân nemarâwe. A zo, zen gane Peteroŋâ ziŋgitŋâ keŋgât opŋâ a hân nâin gok birâziŋgâmŋâ Yuda a zen sot nalem neip. ¹³Ŋâin âi tapâ tapâ oi Yuda a nâmbutŋâ, ziŋâ târokwâkŋaŋgâne Banaba zâk yatik zengâren târokwâip. ¹⁴Oi siŋgi âlipkât mâtâp walâm utne a ambân zengât mâteziŋan Petero itâ dukuwan, “Gâ Yuda a op hân nâin gokŋâ zengât tobat opmatŋâ dap op hân nâin gokŋâ ziŋâ Yuda a neŋgât tobat upigât sâmât?”

¹⁵Yuda a nen hân nâin gokŋâ zen yatâ mân muyagiwen. Nen Yuda a. ¹⁶Ka nen itâ nâŋgâmen. Anâ Mosegât gurumin denâk lune Anutuŋâ ziŋgiri tosaziŋ buŋ mân upap. Ka anâ Yesu Kristo nâŋgâm pâlâtâŋ kwâkŋaŋgâme, zen Anutuŋâ ziŋgiri tosaziŋ buŋ upap. Zorat op ko nen Kristo nâŋgâm pâlâtâŋ kwâkŋaŋgâmen. Nen itâ nâŋgen. Gurumin denâk lum tosaniŋ buŋ orot, zo mân taap. A ziŋâ gurumin den lum ândine Anutugât mâteŋan tosaziŋoot kinbi. ¹⁷Oi nen Kristo sot pâlâtâŋ opŋâ tosaniŋ buŋ upapkât sâmennâ bâliŋâ upmen, zorat dap sânat? Itâ sânat? “Kristoŋâ betniŋan mei bâliŋ upmen.” Yatâ mân sânat. Buŋ kâtikŋâ. Yatâ mân ziap.

¹⁸Nen gurumin sâŋgiŋâ luluŋaŋgât mâtâp birâmŋâ zoren puriksâm ândinat. Zorâŋâ topniŋâ itâ sapsubap. Nen den kuku ândiwen. ¹⁹Gurumin den sâŋgiŋâ lubatkât nâŋgâm lum osim ândia nogi mowan. Anutu sot pâlâtâŋ op ândibatkât gurumin denŋâ nogi mowan. ²⁰Nâ Kristo sot poru nagân none mowan. Oi ândiândinâ zi ândian, zo ninâ buŋâ. Kristoŋâ umnan ândiap. Oi sâk sot ândiândiŋ ândiman, zo Anutugât nanŋâ nâŋgâm pâlâtâŋ kwâkŋaŋgâm ândiman. Zâkŋâ umŋandâ gâsânogi ândiândiŋâ nâgât op buŋ oip. ²¹Anutugât tânzâŋgozâŋgoŋaŋgât den siŋgi âlip zo mân tâmbetkuman. A nen gurumin den lugindâ Anutuŋâ niŋgiri tosaniŋ buŋ opabân Kristo zâk yen moip opap.

Gurumin dengât mâtâp lâŋawe.

3 ¹⁰Galata a, zen nâŋgânâŋgâziŋ buŋâ. Dap dap op um gulip kwatziŋge? Yesu Kristo poru nagân kuwe, zâkkât siŋgi muyap sâm

muyegeziŋgâwen. ²Nâ den nâi mâsikâziŋga dâtonek. Tirik Kaapum miwe, zo dap op miwe? Mosegât den kâtik lumnâ miwe? ³Nâŋgânâŋgâziŋ buŋ? Kaapum sot pâlâtâŋ urâweŋâ zo birâm mâtâp sâŋgiŋan bagie? ⁴Zen Kembugâren nâŋgâm pâlâtâŋ kwâkŋaŋgânetâ Kembugât imbaŋâ muyagei igâwe. Kut nâi nâi zo ek nâŋgâne yenŋâ uap? Kaapumŋâ zengâren nep tuugi bon mân âsagiap? ⁵Zen sânek. Anutu zâk Kaapum zingâmŋâ sâi sen mârât zengâren âsagemap, zo gurumin den luluziŋaŋgât mo nâŋgâm pâlâtâŋziŋaŋgât otziŋgap?

Abaramgât mâtâp lâŋnat.

⁶Kembugât ekabân den nâi itâ ziap, “Abaram zâk yatik Anutu nâŋgâm pâlâtâŋ kwâkŋaŋgâm Kembugât den nâŋgi bon oi Anutuŋâ tosaŋâ buŋâ sâip.” ⁷Zorat itâ nâŋgânek. A Kembugâren nâŋgâm pâlâtâŋ kwâkŋaŋgâm ândimen, nen Abaramgât kiurâp bonŋâ ândien. ⁸A hân nâin gokŋâ zen Anutu nâŋgâm pâlâtâŋ kwâkŋaŋgâne tosaŋiŋ buŋ upapkât sâip. Zorat mâruman nâŋgâmŋâ siŋgi âlip den Abaram itâ sâm dukuiŋ,
 “Gâgât mâsop zorâŋ a hânŋâ hânŋâ zengâren âibap.”

⁹Abarâmŋâ Anutu nâŋgâm pâlâtâŋ kwâkŋaŋgip. Oi a Kembugâren nâŋgâm pâlâtâŋ kwâkŋaŋgâm ândimen, nen Abaramgât mâsobân bagimen.

Nâŋgâm pâlâtâŋ kwâkŋaŋgâm ândiengât ândiândi minat.

¹⁰A zen Mosegât den kâtikŋâ lum tosaŋiŋ buŋ ândim sumbemân zâinatkat sâme, zen tâmbetagoagoŋaŋgât siŋgi upi. Wangât, Kembugât ekabân gurumin siŋgiŋaŋgât kulemguwe, ziap, zorat,

“Ijâiŋâ gurumin den ekabân den zem âriap, nâmbutŋâ zo lum ândim den nâi birâbap, zâk um dâpŋâ tâmbetagobap.”

¹¹Gurumin den lum ândim Anutugât mâteŋan tosaŋiŋ buŋ orot, zo mân ziap. Kembugât ekabân den nâi itâ ziap,

“Ijâi zâk nâŋgâm pâlâtâŋ kwâkŋaŋgâm ândimap, zâk Anutugât mâteŋan tosaŋâ buŋ opŋâ ândiândi kâtik muyagem ândibap.”

¹²Gurumin denân ko nâŋgâm pâlâtâŋgât mân sâwe. Den nâi itâ sâwe,

“Ijâi zâk gurumin den lum kwâtâtibapŋâ ândiândi muyagibap.”

Yesu zâk neŋgât opŋâ sâknamân kirip.

¹³Kembugât ekabân den kulem nâi itâ ziap,

“A nagân zâŋgom kwânâŋgâziŋgâbi, zen bâliŋaŋgât siŋgi.”

Oi Kristo zâk yatik neŋgât opŋâ bâliŋandâ kwâkŋan zarip. Bâliŋan gâbâ mâkâniŋgâbapkât suupniŋâ meip. ¹⁴Oi zorat hân nâin nâin gokŋâ, zen Yesu Kristo sot pâlâtâŋ op Abaramgât mâsobân bagibi. Oi nen Kaapum neŋgât siŋgi sâip, zo nâŋgâm pâlâtâŋ sot op minatkat yatâ âsageip.

Singi âlipkât bet sâwât, zorat den.

¹⁵Bukurâpnâ, a niinjan dâpkwap sâbâ. A nâinâ mumbamjâ bet boi zo kâsâpkum zingâbap. Zorat kwâkņan a nâinâ komņâ den nâi mân sâbap. ¹⁶Anutuņâ Abaram den kânņan dukuip, zo Abaram sot kiunņâ zekât singi sâip. Kiurâp doņbep zeņgât mân sâip. Kânokkât sâip, zâk Kristo. ¹⁷Nâ itâgât op san. Anutu, zâk mârumņan Abaram sot târotârogât den sâip. Oi bet kendon patâ 430 yatâ âki gurumin den Mosegâren gâip. Gurumin den bet gâip, zorâņ den kândom sâsâņ, zo mân kom gulipkoip. Târotâro den kândom muyageip, zo kâtigem ziap. ¹⁸Anutuņâ Mose gurumin den dukuip, zo tosanin buņ oi sumbemân zâizâinangât mâtâp muyagei sâi târotâro den zo buņ opap. Ka Anutuņâ singi âlipkât bet sâwât den, zo umâlepņangât op Abaram kânņan sâm pindip.

¹⁹Gurumin den Moseņâ sâm muyageip, zo wangât sâsâņâ? Zo bâliņâziņâ zo mem kabâņan pâmbapkât Kembuņâ sâkurâpnin sâm zingip. Zo zinzin kâtik zimbapkât buņâ. Abaramgât kiunņâ Anutuņâ mârum zâkkât den kânņan sâip, zâk muyagei siriksâbapkât sâsâņâ. Gurumin den zo sumbem aņâ Anutugâren gâbâ mem Mose bikņan parâwe. ²⁰Mindumindu a Mose zâk kânokkât buņâ, toren toren zeņgât. Zâkņâ minduzingâm kirip. Ka Anutuņâ den Abaram kândom dukuip, zo zikņak dukuip.

Gurumin denņâ a umziņ mân melâņbap.

²¹Dap dap sânat? Gurumin denņâ Anutuņâ den Abaram kândom dukuip, zo wâlap? Yatâ buņâ. Gurumin denņâ a umziņ mân melâņbap. Zo yatâ orotņâ sâi ko gurumin dengât op a tosazin buņ orot, zo muyagebap. ²²Bâliņandâ a aksik patâ saaniņgi ândimen. Topniņâ zo yatâ Kembugât ekabân ziap. Oi zorat Yesu Kristo nâņgâm pâlâtâņ kwapņâ Anutuņâ Abaram den dukuip, zorat bonņâ âlip minat.

Mârum dumunân ândiwen.

²³Yuda a nen mârum nâņgâm pâlâtâņniņ buņ ândeindâ gurumin denņâ saaniņgi dumunân ândeindâ nâņgâm pâlâtâņgât den âlipņâ, zo âsageip. ²⁴Oi zorat gurumin denņâ galem otniņgâm Kristogâren nâambarip. Zo Kristogâren nâņgâm pâlâtâņ kwâkņangâm tosanin buņ upapkât yatâ oip. ²⁵Neņgât nâņgâm pâlâtâņniņangât mâtâp muyagei zoren lâņindâ gurumin dengât dumun zo ânâņgârip.

²⁶Oi zen Yesu Kristo nâņgâm pâlâtâņ kwâkņangâwegât Anutugât nan bârarâp op ândie. ²⁷Zen too saņgonzingâne Kristogâren târokwarâwe, zen aksik Kristo sot pâlâtâņ op ândie. ²⁸Oi zorat Yuda a sot hân nâin gok, a zâizâin sot giginâ, a sot ambân, a kâsâpkum nen niinik niinik zo mân sâbi. Zen aksik Kristo sot pâlâtâņ opņâ kâmut kânok urâwe. ²⁹Zen

Kristogât sîngi urâwenjâ Abaramgât kiurâp bonjâ op ândie. Oi zorat Anutuñjâ mârûm Abaram sîngi den bonjâ dukuip, zorat bonjâ mem ândibi.

Anutugât nan bârarâp urâwen.

4 ¹Itâ sa nânġânek. Katep mâik ñâi ibâñjâ moi bet boi zo zâkkât sîngi oi dâj mân galem upap. Zo kanpitâ yatâ ândibap. ²Oi zâkkât torerâpñandâ zâkkât bet sâwât zo galemġum ândine lâmbatñjâ ibâñandâ narâk sâip, zo oi galem upap. ³Kristogât sîngi a ândien, nenġâren zo yatik ziap. Mârûmñan umniñan katep yatâ oi hângât kut ñâi ñâi zorat kore op ândiwen. ⁴Oi bet narâkñjâ sâsâñjâ zo mâte oi Anutuñjâ nanñjâ sâñgongoi ambân sigan ñâigâren gem gâi kâmbonñjâ opñjâ meip. Zâkñjâ âsagemñjâ Mosegât gurumin den lum kore op ândeip. ⁵Zo ko nen gurumin dengât dumunân gâbâ olaññjâgâbapkât yatâ oip. Nen Anutugât nan bârarâp utnatkât yatâ oip.

⁶Oi nen Anutugât nan bârarâpñjâ uengât Anutu nanñjângât Kaapumñjâ umniñan sâñgongui gei Anutu itâ sâm konsâmap, “Aboñ, Ibânâ âlipñjâ.” ⁷Zorat nen kore a buñjâ, narâpñjâ ândimen. Oi nanñjâ ândimñjâ Anutu umâlepñjângât bet sâwât mariñjâ op ândinat.

Kut ñâi ñâi bon buñ kândâtkuwe, zo mân mâte utnat,

⁸Zen mârûmñan Anutu mân nânġâñjângâm ândim lopio sot kut ñâi ñâi yenñjâ, zengât kore op ândiwe. ⁹Narâk ziren ko Anutuñjâ zingit buku otziñgi zengoot zâk ekñjâ topñjâ nânġe. Yatâ opñjâ wangât sâkurâpziñjângât pat sîngi mem ândiwe, zo dum mâte otziñġânâ kore otziñġânâ ue. ¹⁰Zen kendon top top zorat nânġâne bonjâ oi tapme. ¹¹Zorat nepnandâ zengâren tuuga bon buñ opapkât nânġâm kwâkâ opman.

Galata a ziñ Paulo birâñjângânâ urâwe.

¹²Bukurâpnâ, nâ dâzâñgua nânġânek. Nâ zengât tobat yatâ orâwan. Zorat ko zengoot nâgât tobat yatâ upi. Zen sot ândia bâliñjâ mân otniwe. ¹³Zen nânġâme. Nâ mârûm kamân ñâin âibam ua mâsek otnigi birâm zen sot tap den sîngi âlipñjâ dâzâñgom ândiwan. ¹⁴Nâ mâsek patâ op ândia zen âkonñjâ buñ on galem otniwe. Oi mân nikne bâliñ oip. Buñjâ. Zen niknetâ Anutugât sumbem a yatâ orâwan. Opoñ, niknetâ Yesu Kristo yatâ ua galem otniwe. ¹⁵Oi narâk zoren sâtâre urâwe, zo dap op buñ uap? Zen mârûm sinziñ keetñjâ sâmbum nâ ninam urâwe. Zo yatâ tânnonam urâwe. Zo perâkñjak nânġâmñjâ san. ¹⁶Narâk ziren ko dap dap yatâ den bonjâ dâzâñgua niknetâ kâsaziñ yatâ uan?

¹⁷A nâmbutñandâ den kelâkñjoot sâme. Ziñjâ zen kândâtnom zengât a upigât yatâ sâme. Zen den kelâk sâsâñjâ zo âlipñjângât buñjâ. ¹⁸Kut ñâi

âlipņangât den kelâk sâsânâ, zorân âlipņâ. Zo zeņgâren ga ândiyâk buņâ, zâmbamņâ aria utne âlip upap. ¹⁹Murarâpnâ, nâ zeņgât op sâknam op tâpman. Oi zorik nânġâm Kristogât tobat zeņgâren muyagibapkât sâknam zo nânġâm zâibat. ²⁰Nâ zeņgât nânġâmņâ zeņgâren gamņâ den dâzâņġobatkât otnigap. Nâ zeņgât op nânġâm kwâkâ uan.

Sera sot Haga nanzatzikņâ topzikņâ, zikņik zikņik.

²¹Den ñâi mâsikâziņga dâtonek. Gurumin dengât kore utnat sâme, zen zorat ekap sâlâpkum nânġâme mo buņâ. ²²Zoren itâ kulemguwe. Abaramġât nanzatņâ âsagiwet. Ñâigât kutņâ Ismael. Zâk kore ambân zâkkâren gâbâ âsageip. Ñâi ko kutņâ Isaka. Zâk zikņâ âmbinņandâ meip. ²³Oi kore ambânņâ meip, zo ko yenņâ muyageip. Ambinņandâ meip, zo Anutuņâ den kânņan sâip, zo kâtigei âsageip. ²⁴Oi den zorat torenņâ itâ ziap. Ambân zagât zo siņgi âlip târotâro zagât, zorat dâp urâwet. Anutuņâ Sinai bâkņan târotâro ñâigât den Mose dukuip. Târotâro zorat arâņņâ zen kore a ambân urâwe, zorat dâp Haganâ oip. ²⁵Haga zâk Sinai bakņâ Arabia hânân taap, zorat dâpkwap san. Oi Yerusalem mâirâp sot Sinai bakņâ, zen dâpziņ kânok ue. Zen kore a ambânâk ue. Zen Moseġât gurumin den zo kore kwap ândime. ²⁶Oi Yerusalem kamân uņakņâ u sumbemân taap, zâk Sera yatâ kore buņ. Oi kamân zorânņâ mamniņ uap. Yesugât kâmut ândimen, nen Yerusalem uņakņâ sumbemân taap, zorat kâmut. ²⁷Kembugât ekabân Yerusalem kamân sâņgiņâ sot uņakņâ marirâp, zeņgât den ñâi itâ ziap,

“Ambân kâpin, katep mân mimiņâ, gâ umâlep nânġâ. Katep âsaâsagiņangât sâknam mân nânġâmat, gâ sâtâre ot. Ambân apņâ buņâ, zâk katep doņbep minziņġap. Ambân apņoot, zâk murarâ bituk minziņġap.”

²⁸Bukurâpnâ, Anutuņâ den kânņan sâip, zorat bonņâ nen nan bârarâp urâwen. Oi zorat dâp Isaka âsageip. ²⁹Mârum katep yenņan âsageip, Ismael, zâkņâ ñâi Kaapumġât sâtkât âsageip, Isaka, zâk kâsa miņġapi. Narâk ziren zo yatik ziap. Moseġât gurumin den kore ândime, ziņ Kristogât kâmut nen kâsa otniņġâme. ³⁰Oi Kembugât ekabân den dap yatâ ziap? Den ñâi itâ ziap, “Kore ambân sot nanņâ molizikâna âibabot. Kore ambânġât nanņandâ bet boi zi mân galem upap. Zikņâ ambinņangât nanņandâ bet boi zo galem upap.” ³¹Bukurâpnâ, Kristogât a nen kore ambânġât kiun buņ. Nen ambinņangât kiurâp uen. Zorat op ko Anutuġât nan bârarâp op ândien.

Olaņņiņġipkât dumunân mân zâinat.

5 ¹Nen dumun buņ ândinatkat Kristoņâ olaņņiņġip. Zorat a nâmbutņandâ saaniņġânam sâne mân nânġânat.

²Nâ Paulo itâ dâzâņġua nânġânek. A nâmbutņandâ itâ sâme, “Anutuġât mâteņan tosaziņ buņ upiġât Moseġât den lum ândibi.” Yatâ sâne

nângâzingâne kwabâ kwatziŋgâne ko Kristogât nep zo zengâren bon buŋ upap. Wangât, zen siŋgi âlipkât mâtâp birâwe upap, zorat. ³Dum dâzângua nângânek. Njâi zâk kwabâ kwâkŋaŋgâbi, zâk gurumin den pisuk lum kwâtâtem ândibapkât sâsâŋ. Ka zâk dap yatâ lum kwâtâtibap? ⁴Den kâtik lum ândim tosanij buŋ utnat sâme, zen Kristo sot târotârô urâwe, zo mânângâtse. Oi Anutugâren gâbâ tânzâŋgozâŋgoŋandâ, zo zengâren bon buŋ uap. ⁵Nen ko Kaapumjâ diiningi Yesu Kristo nângâm pâlâtâŋ kwâkŋaŋgâm um bâbâlaŋ op Anutu mâteŋan tosanij buŋ kinatkât mambât ândimen. ⁶Nen Yesu Kristo sot pâlâtâŋ opŋâ itâ nângâmen, “Kwabâ zâŋgozâŋgoŋ sot daaŋoot ândiândiŋ, zo bon buŋâ uap. Kembangâren nângâm pâlâtâŋ kwâkŋaŋgâm ândiândiŋ sot buku orotjâ, zorâŋ bonjâ uabot.”

Sâm gulip a, zengât den.

⁷Zen siŋgi âlipkât mâtâp topkwap âlip lânâwe. Zoren âinetâ ko nâinjâ pâke pâi den bonŋaŋgât mâtâp walâwe? Wanjâ um gulip kwatziŋgi mâtâp zo bire? ⁸Anutuŋâ diizingipŋâ zen yatâ upigât mân sâip. ⁹Bâu usiŋandâ âbâŋgum sirogân giari aksik kâlak op naŋgâbap. ¹⁰Nâ itâ nâŋgan. Kembuŋâ diizingi nângânângâziŋâ nâgât yatâ upap. Oi aŋâ um gulip kwatziŋgâmap, zâk Kembangâren gâbâ hâuŋâ mimbap.

¹¹Bukurâpnâ, nâ zen kwabâ kwatziŋgâbigât dâzâŋgoman sâi dap op kâsa otnibe. Nâ yâtâ dâzâŋgoman sâi ko poru nakkât siŋgi zo nângâne mân bâliŋ opap. ¹²A um gulip kwatziŋgânam kwabâ kwatziŋgâbigât sâme, zengât itâ nângâman. Zen ziiŋ sâkziŋ kâriaŋgânetâ sâi dâp opap.

Dumunniŋ buŋ ândim laŋ gulip mân utnat.

¹³Bukurâpnâ, zen dumun buŋ ândibigât Anutuŋâ diizingip. Oi nen dumun buŋ ândien sâm um sâkkât âkŋâlê bâliŋâ zo mân lum ândibi. Umziŋandâ gâsâyagom kore oraŋgâm ândibi. ¹⁴Den kâtikŋaŋgât kombâŋjâ, zo itâ, “Gâ gikaŋgât otgimap, zo yatik a torenjâ zengât otgigi betziŋan mem ândiban.” ¹⁵Zen ko sâtziŋandâ ziyâŋgâm agom buŋ upegât girem dâzâŋguan.

Laŋ gulip ândiândiŋ, zorat bonjâ sot Kaapum wâratkum ândiândiŋ, zorat bonjâ.

¹⁶Sa nângânek. Zen Kaapum wâratkum zâkkât imbanjan kâtigem ândibi. Oi um sâkkât âkŋâlê, zo mân upi. ¹⁷Um sâkkât âkŋâlêŋâ Kaapum komap. Oi zet zo kâsa kâsa oitâ zen kut njâi utnam upme, zo mân bâbâlaŋ opmap. ¹⁸Zen Kaapum wâratkune diizingi Mosegât den kâtikŋandâ mân saaziŋgâbap.

¹⁹Um sâkkât âkŋâlê nep tik mân ziap. Zo itâ muyagemap. Laŋ ândiândiŋ, bukuŋaŋgât ambân laŋ mimiŋ, aŋunziŋ buŋ laŋ orot. ²⁰Lopio

hurat kwâkwat, kware suŋâ, kâsa kâsa, sârek den, um kâlak den, kuk suŋguruk, a zikŋaŋgât nânŋi zâizâiŋ, um kâsâp op kâsâpagoagoŋ. ²¹A ŋâigât kut ŋâi ŋâi âkŋâlê op laŋ mimiŋ, too kâtik nem um gulip orotŋâ, sii nalem nemŋik ândiândiŋ sot kut ŋâi ŋâi nâmbutŋâ. Zorat mârum dâzâŋgowan, oi zi dum dâzâŋguan. Aŋâ bâliŋâ zo upiŋâ Anutugât um topŋan mân ândibi.

²²Ka Kaapumŋâ umziŋan ândei wâratkum ândime, zo zengâren bonŋâ itâ muyagemap. Umŋâ gâsâzâŋgomap, sâtâre, um lumbe, um sânduk, buku op ândiândiŋ, den luluj, ²³Um diigi gei ândiândiŋ, umŋâ kendon ândiândiŋâ. Kaapum den wâratkum ândine bonŋâ zo zengâren muyagem zimbap. Gurumin denân kut ŋâi ŋâi âlipŋâ zo mân utnatkât den ŋâi mân ziap. ²⁴Oi a ambân Yesu Kristogât siŋgi ândime, zen ândiândi sâŋŋiŋâ sot um sâkkât âkŋâlê bâliŋâ zo buŋ upapkât poru nagân kune kinzap.

²⁵Kaapumŋâ ândiândi ningi ândimengât Kaapumgât holi wâratkum zâkkât imbaŋan kâtigem ândinat. ²⁶Sâkŋâ zâizâiŋ mân utnat. A torenŋâ mân mem gei kwatziŋgânat. A ŋâigât kut ŋâi ŋâi laŋ âkŋâlê mân utnat.

6 ¹Bukurâpnâ, a ŋâiŋâ tosa muyagei zen Kaapum wâratkum ândime, zen um sânduk okŋaŋgâm sâm kubikŋaŋgâbi. Oi gikâ mâsimâsikâyân loribatkât gasâgâ kârâm ândiban. ²Kut ŋâi ŋâi yâmbâtŋâ zo berân miaŋgâbi. Zo yatâ op Kristogât den kâtik zo lum ândibi. ³Ŋâi zâk kut ŋâi bonŋâ zo mân opŋâ zikŋaŋgât nânŋi zâizâiŋ opmap, a yatâ zo umŋâ kâitkuap sâsâŋ. ⁴Zorat zâk zikŋaŋgât ândi mâmannâ ek nânŋâm kubikpap. Yatâ opŋâ a torenŋâ mân mem ge kwatziŋgâbap. ⁵Nepkât yâmbât kâsâpkukuŋ zo a mariŋâ dâp lum kinbi.

⁶Den siŋgi âlip kwâkâm ziŋgâme, a zo ziŋ betziŋan mem kut ŋâi ŋâi kâsâpkum ziŋgâbi.

Ŋâran orot mâmeningât bonŋâ minat.

⁷Gâ um gulip mân upan. Dap yatâ op Anutu kâitkuban? Aŋâ Anutu kâit kunatkât dâp buŋâ. Aŋâ kut ŋâi ŋâi kârâm kâmitnat, zorat bonŋâ yatik minat. ⁸Ŋâi zâk um sâkkât âkŋâlê bâliŋâ, zorat nepŋâ tuubap, zâk yatik um sâkkât âkŋâlê bâliŋâ, zorat bonŋâ tâmbetagoagoŋ muyagibap. Ka ŋâi zâk Kaapumgât nep tuubap, zâk yatik Kaapumgât bonŋâ ândiândi kâtikŋâ muyagibap. ⁹Kut ŋâi ŋâi âlipŋâ tuum ma ko âkon mân utnat. Nen mân lorem nep yatâ tuunarân bet sumbemân nep zorat bonŋâ muyaginat. ¹⁰Zorat itâ sa nânŋânek. Mâtâp muyagei a eluŋ patâ kut ŋâi ŋâi âlipŋâ otziŋgânat. Den siŋgi âlip zo lum Yesugât kâmut zo kut ŋâi ŋâi mem zâi pam otziŋgânat.

Girem sot mâsop den.

¹¹Zen kulem zi iknek. Den nâmbutŋâ zo yen sa bukunâ ŋâi kulemguap. Ka âkââkâŋ zi Paulo ninak bitnandâ simbup mem kelikmelik den zi

kulemgum zinggan. ¹²A nâmbutņandâ zen kwabâyagobigât sâme. A zo, zen sâkņandik den siņgi âlip ziap. Zen Kristo poru nagân sâknam nâņgâm moip, zorat den siņgi sâme a ziņ sâknam ziņgâbegât yatâ upme. ¹³A zo, zen zâizâiņ op zengât a patâ utnatkât mâtâp urâwe. A kwabâ agowe, zen den kâtik mân lum kwâtâttime.

¹⁴Nâ ko kut ņâi ņâi yenņangât buņâ, Kembuniņâ Yesu Kristo, zâk neņgât op poru nagân sâknam nâņgâm moip, zorarâk nâņgâm sâtâre op ândiman. Yesu zâk neņgât op poru nagân moip, zorat opņâ hângât kut ņâi ņâi eksa yenņâ opmap. Oi hân a um kâtik ândime, zen kândâtnom mân nâņgânâņgâ upme.

¹⁵Kwabâ agom ândiândiņ mo yen ândiândiņ, zorâņ bon buņâ. Yesu sot pâlâtâņ op ândiândi uņakņâ, zorâņ bonņâ. ¹⁶A den zi lum ândime, zen Anutugâren gâbâ um lumbeņâ sot tânzâņgozâņgoņâ zimbap. Anutugât kâmut zengâren zimbap.

¹⁷Bet aņâ sâknam mân nibigât otnigap. Wangât, nâ Yesu Kristogât op sâknam nep tuum gâwan. Oi a ziņ nonetâ gut dârâbut sâknan doņbep ziap, zorat.

¹⁸Bukurâpnâ, Kembuniņâ Yesu Kristogâren gâbâ um lumbeņâ umziņan zem zimbap. Zo perâkņak.

Zo yatik.